



საბუა

№4(184)
აპრილი
2011

საქართველოს კათოლიკეთა ყოველთვიური მაცნე

- გეოლოგები უნდა განიკურნონ?
- ვინ მოკლა იესო?

მიეცი შესაძლებლობა
ყოველ დღეს,
იყოს უმშვენიერესი
შენს
ცხოვრებაში



„რა, სად, როდის?“ გამარჯვებულები



ხიზაბავრელი ახალგაზრდები ბაკურიანში



სტუდენტები შეზღუდული შესაძლებლობების მქონე პირთა კავშირის „ია“-ს მოზინადრებთან



იაპონიის ტრაგედია – სისოსხლე ბრძედება...

მხოლოდ ედიდრეა უნდა განიკურნონ?

საზოგადოებაში ფართოდ იკიდებს ფეხს იმის შეგნება, რომ პიროვნების ძირითად და გარანტირებულ უფლებებს შორის არის ჯანმრთელობის უფლება, რაც ასევე გულისხმობს ადექვატური მკურნალობისა და ჯანსაღ გარემოში ცხოვრების უფლებას. კათოლიკეები, – და არა მარტო ისინი, – აცხადებენ, რომ სიცოცხლის დაცვა და განვითარება, ჩასახვიდან თვით სიკვდილამდე, ჯანმრთელობასთანაა დაკავშირებული. მსოფლიოში არ არსებობს ხელისუფლება, რომელსაც საკუთარ სამოქმედო პროგრამაში შეტანილი არ ჰქონდეს ეს სფერო, თუნდაც იმიტომ რომ ჯანმრთელობა დღეს მიჩნეულია ისეთ პირობად, რის გარეშეც sine qua non განვითარება არ ხდება. ცნობილია, რომ არსებობს მჭიდრო კავშირი ჯანმრთელობასა და განვითარებას შორის; შეუძლებელია განვითარება მოსახლეობის ჯანმრთელობის გაუმჯობესების გარეშე: ზოგიერთი ქვეყნის კეთილდღეობა ბევრად განაპირობა მრავალი ისეთი დაავადების შემცირებამ, რაც დიდ სამშრომლებს წარმოადგენდა საზოგადოებისთვის. ეს იყო მნიშვნელოვანი მონაპოვარი და იგი დღემდე რჩება ყველა ქვეყნისათვის მისალნევი მიზნად.

ვინაიდან დღესაც არსებობს მკვეთრი უთანასწორობა მსოფლიო და ნაციონალურ დონეზე, ზოგიერთი დაავადების შემცირების ალბათობა დაკავშირებულია პიროვნების სოციალურ-ეკონომიკურ პირობაზე (პროფესია, წლიური შემოსავალი, განათლება, დაბადების ადგილი, სქესი...): გულისხმობს დავადებითა და დიაბეტით დაღუპულთა 80% დაბალი შემოსავლების მქონე ქვეყნებზე მოდის. იაპონელ ბავშვს 80 წლამდე ცხოვრების შანსი აქვს, რასაც ვერ ვიტყვით ბრაზილიელ, ინდოელ, ანგოლელ ბავშვებზე, რომელთა სიცოცხლის ხანგრძლივობა ძლივს აღწევს 50 წელს; ამგვარი პროცენტულობა შეიძლება მკვეთრად შემცირდეს, თუკი ადამიანები ჯანსაღი ცხოვრებით იცხოვრებენ და შეძლებენ სასარგებლო საკვების მიღებას.

არც სანიტარული მომსახურებაა გადანაწილებული სამართლიანად: მდიდრები თავს უფლებას აძლევენ, რომ საუკეთესო სპეციალისტებთან გადაიხადონ ვიზიტების საფასური, ხოლო ღარიბები იძულებულნი არიან, რიგში ჩადგნენ. მათ ხელი არ მიუწვდებათ პრევენციას, რის გამოც საბოლოოდ მძიმედ ავადდებიან. ყველაზე მეტად კი მოხუცები ისჯებიან, რომლებსაც ძალა არ შესწევთ, რომ საკუთარ თავს ყურადღება მიაქციონ. ამ ვითარების გასაცნობად საინტერესოა ჯანდაცვის მსოფლიო ორგანიზაციის სხვადასხვა საანგარიშო მოხსენების გადაკითხვა; საჭიროა, შეიქმნას პირობები იმისათვის, რომ ყველას მიუწვდებოდეს ხელი სამედიცინო მომსახურებასა და აუცილებელ მკურნალობაზე; ჯანმრთელობის გაუმჯობესებისთვის გაჩაღებული ბრძოლა ნიშნავს სილატაკესთან ბრძოლას, იმ რესურსების უკეთ გადანაწილების მიზნით, რომელიც უფრო მეტად ჰუმანურს გახდის ცხოვრების პირობებს. ჯანმრთელობის შენარჩუნებისთვის არ არ-

ის საკმარისი მხოლოდ კეთილმონყობილი საავადმყოფოების აგება, ან ლამაზი აფთიაქების გახსნა, თუკი ხალხს არ ექნება მკურნალობისა და წამლებისათვის საჭირო თანხა! ამ ჭრილში, მნიშვნელოვანია პრევენცია, ფორმაცია და ინფორმაცია (გავიხსენოთ, რამდენი უბედური შემთხვევის თავიდან აცილება შეიძლებოდა, თუკი დაცული იქნებოდა შრომის კანონი; რამდენი ინციდენტის, – თუკი დაცული იქნებოდა საგზაო წესები, ან გზები კარგად იქნებოდა მოვლილი, ან ნასვამები რომ ვყოფილიყავით, პოლიციას რომ თავისი მოვალეობა შეესრულებინა... რამდენი სიმსივნური დაავადება იკლებდა, ამდენი რომ არ მოგვეჩინა, ბუნებისთვის უფრო მეტი პატივი რომ მიგვეგო...). დღეს, შეიძლება ითქვას, რომ მსოფლიო რესურსები ჯანმრთელობის ისეთ დონეს უზრუნველყოფს, რაც ოდესღაც წარმოუდგენელი იყო; ცხადია, მეცნიერულ პროგრესს უზარმაზარი შანსი ეძლევა, მაგრამ ეს იმას როდი ნიშნავს, რომ მისით ყველა ისარგებლებს. ფული, ცენზი, სოციალური სტატუსი ჯერ კიდევ ბატონობს! გავიხსენოთ ტრანსპლანტაცია – ორგანოების გადანერგვა, რითაც სარგებლობენ მხოლოდ ისინი, ვისაც ფული აქვთ... რამდენი პიროვნება კმაყოფილდება საქართველოში მხოლოდ ფართო მოხმარების მედიკამენტით, ისე რომ არ შეუძლია განსაკუთრებული მკურნალობა და ოპერაცია ჩაიტაროს, რაც უსათუოდ კარგ შედეგამდე მიიყვანდა. რამდენი ვერ აძლევს თავს იმის უფლებას, რომ გაიკეთოს გულის რთული ოპერაცია... ან უცხოეთში წავიდეს უკეთესი მკურნალობის მიზნით! როცა ჯანმრთელობის დაცვა გარკვეულ თანხებთანაა დაკავშირებული, განა რამდენს შეუძლია, თავი გაართვას მას? როდესაც ჯანმრთელობის მხრივ რაიმე პრობლემა შეიქმნება, ოჯახი კრიზისულ სიტუაციაში ვარდება; ასეა საქართველოშიც; ადამიანები მის შესანარჩუნებლად ყველა ღონეს მიმართავენ, და ამ დროს ყოველთვის გამოჩნდებიან ისეთნი, რომლებიც ამით სარგებლობენ: სანიტარული სფეროს წარმომადგენლები, სადაზღვევო კომპანიები... აქ, ყოველ მიზეზ გარეშე, საჭიროა ეთიკის, პოლიტიკური და საკანონმდებლო ორგანოების ერთობლივი მუშაობა; მხოლოდ ეს არ კმარა: არსებობს ადამიანური თანადგომა გაჭირვებულთა მიმართ, ეს ასპექტი ხშირად მივიწყებულია ეკონომიკის ან სანიტარული კანონმდებლობის სფეროში; რატომ არ უნდა მოვთხოვოთ მათ, რომლებიც უკეთეს პირობებში არიან, ნაწილობრივ მაინც შეეწიონ ყველაზე გაჭირვებულ ავადმყოფებს შესაბამისი თანხები? დიდმარხვაში ესეც შეიძლება გახდეს მარხვის ახალი, კონკრეტული ფორმა. საბედნიეროდ, საქართველოში, სანიტარულ სფეროში ყოველთვის არიან პიროვნებები, რომლებიც, ცალკეული ადამიანებისადმი თავიანთი უანგარო და მაღლიანი საქციელით, მოყვასისადმი სიყვარულით, იმედის წყაროდ იქცევიან ესოდენ კომერციულ და კომპიუტერიზებულ სამყაროში.


მამა გაბრიელ ბრაგანტინი

იაპონიის ტრაგედია



11 მარტს კუნძულ ჰონსიუს ჩრდილო-აღმოსავლეთ ნაწილს თავს დაატყდა იაპონიის ისტორიაში უძლიერესი მიწისძვრა. ბიძგების სერიას, რომელთაგან უძლიერესი 9 ბალ მაგნიტუდას შეადგენდა, ცუნამი მოჰყვა. მიანგის პრეფექტურაში ტალღის სიმაღლე 10 მეტრს აღწევდა. ზოგიერთი დასახლებული პუნქტი ცუნამმა ორჯერ დაფარა.

13 მარტს უწმიდესმა პაპმა შემდეგი სიტყვებით მოუწოდა ლოცვაზე შეკრებილთ: „ძვირფასო დებო და ძმებო! შეძრწოვები ვართ მიწისძვრისა და ცუნამის საშინელი სურათით. მსურს, სულიერი თანადგომა გამოვხატო ამ ქვეყნის უძვირფასეს მკვიდრთა მიმართ, რომელნიც ღირსეულად და მედგრად ებრძვიან სტიქიას. ვლოცულობ დაღუპულთათვის და მათი ნათესავებისათვის, მათთვის, ვინც დღეს ტანჯვას განიცდის ამ ტრაგიკულ მოვლენათა გამო. სულიერ სიმხნევებს ვუსურვებ მათ, ვინც მზადაა, დახმარების ხელი გაუწოდოს დაზარალებულებს“.



„კარიტასის“ იაპონიის განყოფილებამ ამ ტრაგიკულ დღეებში მთელი თავისი ძალები დაზარალებულთა დასახმარებლად მიმართა. ორგანიზაციას შეუერთდნენ ქრისტიანი მოხალისეები ქვეყნის ყველა კუთხიდან. როგორც „კარიტასის“ იაპონიის განყოფილების დირექტორი დაზუეე ნარუი აღნიშნავს, ყველაზე დაზარალებულ რეგიონებში უმთავრეს პრობლემას საკვებისა და სანჯავის ნაკლებობა წარმოადგენს. ორგანიზაციის დახმარების ადრესატები პირველ რიგში ბავშვები, ინვალიდები და მოხუცები არიან. ნარუი ასევე აღნიშნავს, რომ იაპონელები სტიქიაზე ამ ხალხისთვის დამახასიათებელი

თავშეკავებით რეაგირებენ და ერთურთისადმი დიდ თანადგომას ავლენენ. მაგრამ სრულიად გასაგებია, რომ ხალხში შიშმა დაისადგურა, მით უმეტეს რომ სტიქია ჯერაც არ ცხრება და მიწისქვეშა ბიძგები გრძელდება. ორგანიზაცია გეგმავს რეაბილიტაციის გრძელვადიან პროგრამას, რომელშიც დიდი ადგილი ფსიქოლოგიურ დახმარებას დაეთმობა.

„კარიტასის“ იტალიის განყოფილებამ, პირველი დახმარების სახით, 100 000 ევრო გამოყო. ორგანიზაციის სხვა ქვეყნის განყოფილებებიც გამოემხმარნენ დახმარების თხოვნას. პაპის საბჭომ Cor Unum (ერთი გულით) დაზარალებულთა დასახმარებლად 150 000 ევრო გადაარიცხა. სხვადასხვა ქვეყნის კათოლიკე მორწმუნეები იაპონიის ტრაგედიის მსხვერპლთა ყოფის შესამსუბუქებლად თავიანთი წვლილის გაღებას ცდილობენ. იაპონიის პოლიციის ეროვნული სამმართველოს ოფიციალური მონაცემებით, 20 მარტისთვის დაღუპულია 8277 ადამიანი, 12722 კი დაკარგულად ითვლება.

კათოლიკე იერარქები ლიბიის მოვლენების შესახებ

ლიბიაში კადაფის რაზმების კონტრშეტევა გრძელდება. დაიბოძა ბენღაზის აეროპორტი, ქალაქის ზოგიერთ ნაწილში შეიარაღებული შეჯახებები მოხდა. საერთაშორისო საზოგადოებრიობა დაძაბულად ელის გაეროს შემდგომ ნაბიჯებს. 19 მარტს მას-მედიის საშუალებებით გავრცელდა ცნობა, რომ გაეროს უშიშროების საბჭომ დაადასტურა სამხედრო ჩარევის აუცილებლობა.

„ქალაქში მღელვარება და შიშია დასადგურებული. ჩვენ გვეძინია, რომ სიტუაცია გაუარესდება. ერთი შეხედვით, ცხოვრება ნორმალურ კალაპოტში დგება. არის ელექტროენერგია, წყალი, საკვები პროდუქტების შექმნის საშუალება. თუმცა ქარიშხლის მოახლოება იგრძნობა. კადაფის რაზმები აჯდაბის მიუახლოვდნენ და გაურკვეველია, შეძლებენ თუ არა აჯანყებულები შეიარაღებული რაზმების მოგერიებას. საჭიერო ემბარგო ნაკლებ სარგებლობას მოიტანს, რადგან კადაფის შეტევა უკვე იმ ეტაპზეა, როდესაც ავიაცია არცთუ აუცილებელია“, – აღნიშნა 18 იანვარს ბენღაზის ეპისკოპოსმა სილვესტრო მაგრამ სატელეფონო საუბარში სააგენტო „მისნას“ წარმომადგენელთან.

თუკი ბენღაზიში უარესისთვის ემზადებოდნენ, ტრიპოლიში უფრო მოლოდინის ატმოსფერო სუფევდა. ტრიპოლის ვიკარიუსმა, მამა დანიელ ფარუჯამ აღნიშ-



◀ 15 33.

მიუხედავად საქართველოს საკანონმდებლო და აღმასრულებელი ხელი-სუფლების წარმომადგენელთა მრავალი დაპირებისა, სამწუხაროდ, ამ მიმართებით რეალური შედეგი ჯერ არა ჩანს. ვატიკანისა და საქართველოს ურთიერთობები, გასული წლის შემდეგ, შეიძლება ითქვას, ახალ თვისობრივ ფაზაში შედის, ამის თვალნათელი დადასტურებაა საქართველოს პრეზიდენტის, ბატონი მიხეილ სააკაშვილის შეხვედრა რომის პაპ ბენედიქტე XVI-სთან, ასევე, მისი ორგზის სტუმრობა თბილისის კათოლიკურ კათედრალში, საშობაო ლიტურგიის დროს. ეს ყოველივე მიგვანიშნებს საქართველოში კათოლიკური ეკლესიის ისტორიული როლის სათანადო აღიარებისა და საქართველო-ვატიკანის საერთაშორისო თანამშრომლობის პერსპექტივების აუცილებლობაზე, რაც ასე თვალნათელივ და რეალობის სწორი ანალიზით წარმოჩინდა ყურნალ „საბას“ იანვრის ნომერში გამოქვეყნებულ ნუგზარ ბარდაველიძის სტატიაშიც. ამ პუბლიკაციის მნიშვნელობას საგანგებოდ გაუსვა ხაზი მისმა მალაყოვლა-

დუსამღვდელოესობამ. მართლაც, საქართველო-ვატიკანის ურთიერთობას ფართო პერსპექტივები გააჩნია; ამისათვის დინჯად, ნაბიჯ-ნაბიჯ იქმნება სათანადო ნიადაგი. ყოველგვარი ინიციატივა პოლიტიკაში, მით უმეტეს, ეკლესიათაშორის სფეროში, მეტად სათუთ დამოკიდებულებას მოითხოვს. ნებისმიერმა აჩქარებამ, თუნდაც კეთილი ნებით ნაკარნახევმა, მაგრამ შესაძლო პერსპექტივის გაუნალიზებლად წარმოებულმა, შესაძლოა, მეტად უარყოფითი შედეგი მოიტანოს და შეაჩეროს დაწყებული ორმხრივი თანამშრომლობა. საქართველო-ვატიკანის ორმხრივ სასარგებლო თანამშრომლობას, რომელიც ახალ ფაზაში შევიდა, ნამდვილად აქვს პოზიტიური მომავალი, რადგან ეს არის ახალი დროის გამოწვევა, რომლის წარმატებული გადაჭრა ევროპულ ოჯახში საქართველოს წარმატებული ინტეგრაციის გარანტია.

სპეციალური კორესპონდენტი

კათოლიკე ეკლესიის სიახლეები და დინამიურობა მთელ მსოფლიოში

მსოფლიოში გაიზარდა მონათლულთა რიცხვი (კათოლიკეთა დაახლოებით ნახევარი ამერიკის კონტინენტზე ცხოვრობს); მზარდი მატებაა მღვდლებისა და სემინარისტების მხრივ, სამაგიეროდ, რიცხობრივად შემცირდა მონაზონთა რიცხვი.

ამ ფაქტებს ნათელი ეფინება პაპის 2011 წლის Annuario-ში (წლიურ მიმოხილვაში), რომელიც ა.წ. 19 თებერვალს წარუდგინა ბენედიქტე XVI-ს ვატიკანის მდივანმა, კარდინალმა ტარჩიზიო ბერტონემ. ამ ანგარიშის გაცნობით შეგვიძლია შევაჯამოთ ის ზოგიერთი სიახლე, რომელიც მსოფლიოში კათოლიკე ეკლესიის სახელს უკავშირდება, 2010 წლიდან მოყოლებული დღემდე. ამ წლის მანძილზე, პაპმა დააარსა ათი ახალი საეპისკოპოსო კათედრა, ერთი სამოციქულო საეგზარქოსო და სამოციქულო ვიკარიატი. შეიქმნა ერთი ეპარქია თავისი კათედრით, ორი პრელატურა ეპარქიაში, ორი პრეფექტურა და ერთი სამოციქულო ადმინისტრაცია სამოციქულო ვიკარიატში.

2009 წლის სტატისტიკური მონაცემები სინთეზურ ანალიზს იძლევიან იმ ძირითად დინამიურობაზე, რაც მთელ პლანეტაზე, 2.956 საეკლესიო ოლქში მოქმედ კათოლიკე ეკლესიას ეხება. მსოფლიოში მონათლულთა რიცხვი, 2008 წლიდან 2009 წლამდე, 1.166 მილიონიდან 1.181 მილიონამდე გაიზარდა, 15 მილიონი მორწმუნით. მსოფლიოში კათოლიკე მოსახლეობის რიცხვი, კონტინენტების მიხედვით, შემდეგნაირად ნაწილდება: ამერიკა - 49,4 %, ევროპა - 24%. აზიაში კათოლიკეთა რიცხვი გაიზარდა 10,6%-დან

10,7 %-მდე. აფრიკულ ქვეყნებში, ისევე როგორც ოკეანეთში, მოსახლეობის ტოტალური ზრდა ოდნავ განსხვავდება კათოლიკე მორწმუნეთა ზრდისაგან (15,2% და 0,8%).

ეპისკოპოსთა რიცხვი მსოფლიოში, 2008 წლიდან 2009 წლამდე, 5.002-დან 5.065-მდე გაიზარდა. ამ მხრივ, ყველაზე დინამიური კონტინენტი არის აფრიკა (1,8%), მას მოსდევს ოკეანეთი (1,5%), აზია (0,8%) და ამერიკა (1,2%). ევროპაში მორწმუნეთა მატება 1,3%-ით აღინიშნა. დიოცეზის მღვდელთა რიცხვი, გარკვეული არასახარბიელო პერიოდის შემდეგ, უკანასკნელ ათწლეულებში მართლაც გაიზარდა, 2000 წლის მონაცემით, მათი რიცხვი შეადგენდა 405.178, ხოლო 2009 წლისათვის - 410.593. მკვეთრი კლება დაფიქსირდა მხოლოდ ევროპაში (0,82% - დიოცეზის მღვდლები, 0,99% - ბერები) ხოლო სხვა კონტინენტებზე მღვდლების რაოდენობა მთლიანობაში გაზრდილია. პერმანენტულ დიაკონთა რიცხვმა 2,5%-ს მიაღწია, 2008 წლის მონაცემით - 37.203, ხოლო 2009 წლისთვის - 38.155.

სამაგიეროდ, შემცირდა მონაზონთა რიცხვი. 2008 წელს მათი რიცხვი მსოფლიოში შეადგენდა 739.068-ს, ხოლო 2009 წლისთვის - 729.371. კრიზისი მაინც რჩება, მიუხედავად იმისა რომ აფრიკასა და აზიაში მათი რიცხვი მატულობს.

სამღვდელო კანდიდატების რიცხვი მსოფლიოში გაიზარდა 0,82%-ით, 2008 წლის მონაცემით, მათი რიცხვი იყო 117.024, ხოლო 2009 წლისთვის - 117.978.

განუსვენე მათ, უფალო!



თინა არაჩაშვილი
* 09.09. 1927 წ. - ქუთაისი
† 19. 02. 2011 წ. - ქუთაისი



გურამ აფრიამაშვილი
* 10. 04. 1951 წ. - არალი
† 23. 02. 2011 წ. - არალი



ვახტანგ ხითარიშვილი
* 02. 01. 1932 წ. - ქ. ვალე
† 19. 02. 2011 წ. - ქ. ვალე



მარიამ ჯაჯაშვილი-მირაბიშვილი
* 28. 03. 1935 წ. - უღე
† 21. 11. 2010 წ. - უღე



აიზრა ათუშაშვილი
* 27. 10. 1930 წ. - ქ. ვალე
† 1. 03. 2011 წ. - ქ. ვალე



აზრო ისრაელი
* 23. 12. 1926 წ. - აზერბაიჯანი, დაბა კალინიკენტი
† 02. 03. 2011 წ. - ქ. გარდაბანი



შოთა ჯირჯირაშვილი
* 19. 04. 1925 წ. - ხიზაბავრა (ასპინძა)
† 23. 02. 2011 წ. - ხიზაბავრა



მარიამ (მაცვალა) ხითარიშვილი
* 07. 11. 1935 წ. - ქ. ვალე
† 17. 02. 2011 წ. - ვალე



თინა გუშალოვა
* 20. 08. 1928 წ. - ქ. ვალე
† 1. 03. 2011 წ. - ქ. ვალე



ვალერიან შუშიშვილი
* 17. 09. 1937 წ. - ხიზაბავრა
† 12. 03. 2011 წ. - ხიზაბავრა

სარჩევი


რედაქციის გვერდი.....	2
კათოლიკე ეკლესია მსოფლიოში	3
კათოლიკე ეკლესია საქართველოში	5
კათოლიკური პასუხი	6
ანდერძი	6
ინტერვიუ	8
სოციალური პრობლემები.....	10
საარქივო მასალები.....	12
ეკლესიის სოციალური სწავლება	13
ქრისტიანობის ლექსიკონი.....	14
ინფორმაცია	15
ახალგაზრდული გვერდი	18
საგანგებო ჩანართი	I-IV

რედაქცია:

მამა გაბრიელ ბრატანტინი
ნუგზარ ბარდაველიძე
ნატო ბიგვაკა
ვერიკო ნოზაძე
მერაბ ლალანიძე
ზაზა შათირიშვილი
ციცილო ხითარიშვილი

მისამართი:

თბილისი, გია აბესაძის ქ. №4
ტელ.: 98-95-16
რეგისტრაციის № 1853
დაარსდა 1994 წ.
მანანა ანდრიაძის მიერ
© „საბა“, 2011



საქართველოს ათოლიათა ახალგაზრდების საბჭო

სიზაბავრელი ახალგაზრდები ბაკურიანში

2011 წლის 25 თებერვალს, მამა პაატა ქომოშვილის ხელმძღვანელობით, სიზაბავრის სამრევლოს ახალგაზრდების ჯგუფი დასასვენებლად ბაკურიანში გაემგზავრეთ. ბაკურიანში ჩვენზე წარუშლელი შთაბეჭდილება დატოვა: ჩვენს წინ გადაიშალა ულამაზესი დათოვლილი ტყე და მინდვრები, თავისი ხალისიანი დამსვენებლებით.

ბაკურიანში ჩასულები, სასტუმროში დავბინავდით, მოვენს-რიგდით და დამსვენებლებს შევეუერთდით მხიარული ყიჟინითა და სიცილ-კისკისით. ისე გავერთეთ და ვიხალისეთ, რომ დროის შეგრძნებაც კი დაგვკარგეთ და სასტუმროში შებინდებისას დავბრუნდით, დავისვენეთ, ვივახშმეთ და შემდეგ, მამა პაატასთან ერთად, სასტუმროს დარბაზში შევიკრიბეთ. მ. პაატა ახალგაზრდებს მარხვის შესახებ გვესაუბრა: „მარხვა არის ერთ-ერთი უმთავრესი კეთილ საქმეთაგანი, რომელიც, სინანულისა და მოქცევის საშუალებით, ღმერთთან გვაახლოებს. მარხვა აუცილებლად უნდა იყოს დაკავშირებული ღოცვასა და მოწყალებასთან. მარხვა არ არის თვითმიზანი, არამედ სულის განმწმენდის საშუალებაა.“



მამა პაატას სიტყვებმა ყველანი ღრმად ჩავგვაფიქრა, ვცდილობდით, გაგვეცნობიერებინა მარხვის არსი, მისი ნამდვილი დანიშნულება.

დღის ბოლოს ვნახეთ ფილმი და დასაძინებლად წავედით, რათა მეორე დღით, ახალი ენერგიით აღვსილებს, დრო უფრო ნაყოფიერად და ხალისიანად გაგვეტარებინა. ვცდილობდით, არც ერთი წუთი უქმად არ დაგვეკარგა. მიუხედავად სიცივისა და ყინვისა, კარგად ვერთობოდით.

დრომ სწრაფად გაიზინა და ჩვენ უკვე გამგზავრების თადარიგს შევუდექით. ბაკურიანში გატარებული დღეების სამახსოვროდ კი სურათები გადავიღეთ და შინსაკენ მიმავალ გზას დავადექით. ერთმანეთს ვუზიარებდით ბაკურიანში მიღებულ შთაბეჭდილებებსა და ემოციებს და კვლავ იქ დაბრუნებაზე ვოცნებობდით.

სიზაბავრის სამრევლოს ახალგაზრდების სახელით, მინდა, მადლობა გადავუხადო მამა პაატას ამ ღამაში და დაუფინყარი დღეებისათვის.

ფიქრია მამოშვილი

რა? სად? როდის?

რამდენი გვერდი აქვს სამკუთხედს?

რამდენად განათლებულია ქართული საზოგადოება? – ამ კითხვაზე პასუხის გაცემა სცადა ერთ-ერთი ქართული ტელეარხის ჟურნალისტმა. ეთერში გასულმა სიუჟეტმა დიდი აღშფოთება გამოიწვია მაყურებელში, დასმულ კითხვებზე გაცემული პასუხები ერთნაირად ინვედად ამიანში სირცხვილისა და სინანულის გრძნობას (ეს რეაქცია ბუნებრივია... სტუდენტმა, რომელმაც არ იცის, ვინ იყო პეტრე მელიქიშვილი და იცის, ვინ არის ბიჭოლა, სასაცილოა, სატირალი რომ არ იყოს, ან კიდევ, როდესაც სტუდენტმა არ იცის, თუ რომელ საუკუნეში მოღვაწეობდა შოთა რუსთაველი, ან რამდენი გვერდი აქვს სამკუთხედს...). ბოლოს, სიუჟეტის ავტორი ასკვნის, მიუხედავად იმისა რომ, სხვადასხვა მონაცემებით, ჩვენი ქვეყანა, დიპლომებთან ერთად, ოჯახებში წიგნების რაოდენობით ერთ-ერთი მოწინავეა მსოფლიოში, წიგნიერების დონე საკმაოდ დაბალია და “ცოდნა” მხოლოდ თაროზე შემოდებულ დიპლო-

მებისა და სერთიფიკატების რაოდენობით განისაზღვრება. ამ სიუჟეტის ნახვის შემდეგ, ჩნდება კითხვა, ნუთუ მართლა ასეთი უნივერსია ჩვენი დღევანდელი ახალგაზრდობა? რა თქმა უნდა, ეს სიუჟეტი არ არის დღევანდლობის რეალური სურათი, ჩვენს შორის გაცილებით მეტი წიგნიერია. ამაში კიდევ ერთხელ დავგვარწმუნა 12 მარტს გორში ჩატარებულმა ინტელექტუალური თამაშების შედეგებმა. უკვე რამდენიმე წელია, რაც, საქართველოს კათოლიკეთა ახალგაზრდული საბჭოს ეგიდითა და ხელშეწყობით, ტარდება ინტელექტუალური თამაშები – „რა? სად? როდის?“, რომელშიც მონაწილეობას ღებულობენ ახალგაზრდები საქართველოს თითქმის ყველა საკრებულოდან.

თბილისიდან ჩასულ ახალგაზრდებს გორში დაგხვდა სხვადასხვა საკრებულოებიდან ჩამოსული ჯგუფები. მათ დანახვაზე, სასიამოვნო გრძნობა დამეუფლა... ახალგაზრდების რიცხვი ასს აღემატებოდა; ეს ჩვენი ეკლესიის მომავალი! მიუხედავად მრავალი დაბრკოლებისა და შევიწროებისა, ჯერ კიდევ არიან ახალგაზრდები ჩვენს ეკლესიაში.

თამაში საკმაოდ დაძაბული გამოდგა. ჩვენდა სასიხარულოდ, ამჯერად გამარჯვება წილად ხვდა არლის ახალგაზრდების გუნდს – Forever (მუდამ), რომელსაც ფინალში შესაშურ მეტოქეობას უწევდა თბილისის კათედრალის ახალგაზრდების გუნდი – „ელიტა“. ვულოცავთ არლელ ახალგაზრდებს მიღწეულ წარმატებას! თუმცა, აქვე უნდა აღვნიშნოთ, რომ ამ თამაშში ყველა გამარჯვებულია. რიგი ხარვეზების მიუხედავად, ყველა გუნდმა ღირსეულად ითამაშა



და ცოდნის საკმაოდ მაღალი დონე აჩვენა.

თამაშის დასრულების შემდეგ, ერთმანეთს დავემშვიდობეთ და ზოგი სახლისაკენ, ზოგი კი გორის ისტორიული ადგილების დასათვალიერებლად გაემშურა. ვფიქრობ, ყველა მეტნაკლებად კმაყოფილი დარჩა თამაშით. მადლობა ღმერთს, რომ ჩვენს შორის არიან საღად მოაზროვნე და განათლებული ახალგაზრდები.

შორენა პარუნაშვილი

პარუნაშვილი ერთი ღამაში დღე ჩვენს თანამოქალაქს

სულხან-საბა ორბელიანის სასწავლო უნივერსიტეტის სტუდენტები შეზღუდული შესაძლებლობების მქონე პირთა კავშირის „ია“-ს მობინადრეებთან

უნივერსიტეტის ვებ-გვერდზე განთავსებული ინფორმაციიდან ცნობილი იყო, რომ სულხან-საბა ორბელიანის სასწავლო უნივერსიტეტის სტუდენტები გამართავდნენ საქველმოქმედო აქციას შეზღუდული შესაძლებლობების მქონე ბავშვებისთვის.

აღსანიშნავია, რომ სულხან-საბა ორბელიანის სასწავლო უნივერსიტეტის სტუდენტები კავშირ „ია“-სთან „ქრისტიან ქალთა ცენტრის“ გამგეობის წევრმა, ქ-მა ციციანო ხითარიშვილმა დაგვაკავშირა. მანვე შემოგვთავაზა, მოგვეწყო აქცია უნარშეზღუდულ ბავშვებთან და გადაგვეცა მათთვის საჩუქრები, რომელიც მათთვის „კეთილი სამარიტელის“ ორგანიზაციამ მოამზადა.

უნარშეზღუდულ ბავშვებს უფლება აქვთ, სარგებლობდნენ განსაკუთრებული მზრუნველობით; მიიღონ განათლება; აუცილებელია, მოხდეს მათი სოციალური ინტეგრაცია; ისინი უნდა სარგებლობდნენ სამედიცინო, სარეაბილიტაციო, პროფესიული და შრომითი საქმიანობისათვის მოსამზადებლად საჭირო მომსახურებითა და დასვენების საშუალებით, – ეს ის არასრული ჩამონათვალია, რასაც ბავშვთა უფლებების კონვენციაში მონაწილე სახელმწიფოები უნდა აკეთებდნენ შეზღუდული უნარების მქონე ბავშვებისათვის.

საქართველოში არსებობენ სამთავრობო და არასამთავრობო ორგანიზაციები, სადაც გონებრვად და ფიზიკურად შეზღუდული უნარების მქონე ბავშვებზე ზრუნავენ. ერთ-ერთი მათგანია „შეზღუდული შესაძლებლობების მქონე პირთა კავშირი „ია“. ის არასამთავრობო, არაკომერციული ორგანიზაციაა, რომელიც დაარსდა 2005 წელს შეზღუდული შესაძლებლობების მქონე პირთა მშობლების მიერ.

ამჟამად დღის ცენტრში 3-დან 25 წლამდე ასაკის

ოცდათხუთმეტამდე აღსაზრდელია გაერთიანებული. ბენეფიციართა უმრავლესობა მძიმე გონებრივი და ფიზიკური ჩამორჩენილობით გამოირჩევა, „რომლებიც ვერ მიიღო ამ სფეროში მომუშავე ვერც ერთმა სამთავრობო თუ არასამთავრობო ორგანიზაციამ“.

ამ ცენტრში არსებული პრობლემების შესახებ გავესაუბრეთ კავშირ „იას“ თავმჯდომარეს, ქ-ნ ნინო ჭაბუკიანს. როგორც მან აღნიშნა, ცენტრის ბავშვების უმრავლესობა სიღარიბის ზღვარს ქვემოთ მყოფი ოჯახებიდანაა და სახელმწიფო მათ ვაუჩერის სახით მხოლოდ 10 ლარს ურიცხავს, რაც ძალიან მცირე თანხაა შეზღუდული უნარების მქონე ბავშვებისა და მოზარდების მკურნალობის, რეაბილიტაციისა და კვებისათვის.

წინასწარ დაგვემხილა ღონისძიებამ, რომელშიც ორივე მხარე – სტუდენტები და „იას“ აღსაზრდელები მონაწილეობდნენ, ყოველგვარი მოლოდინს გადააჭარბა. ბავშვებმა დიდი ძალისხმევით ფასად შეძლეს თავიანთი უნარების მაქსიმალურად წარმოჩენა, მოირგეს სხვადასხვა როლები და სიამოვნება მიანიჭეს როგორც სტუმრებს, ისე საკუთარ თავს.

ღონისძიების ბოლო ნაწილი კი მათთვის მართლაც რომ ყველაზე ღამაში, სასიამოვნო და ამაღლებელი იყო: სტუდენტებმა მათ საჩუქრები გადასცეს.

ჩვენ ერთი დღით შევალეთ მათი სამყაროს კარი, მათი ოცნებების თანაზიარნი გავხდით, შევიტყვეთ, როგორ ოცნებობს 22 წლის თაკო წამლიაშვილი მომღერლობასა და საკუთარი სიმღერების ალბომის გაყიდვაზე.

გვჯერა, ჩვენ კიდევ მრავალჯერ შევხვდებით მათ, რათა გაფულამაზოთ მძიმე და ერთფეროვანი დღეები, ვაჩუქოთ სიხარული და მომავლის რწმენა.

P. S. ამ ღონისძიებას შემთხვევით „წმ. სპირიდონ ტრიმიფუნტელის სახ. ახალგაზრდული საქველმოქმედო გაერთიანების“ წევრებიც დაესწრნენ. დავთქვით, რომ მომავალ ღონისძიებებს ერთად დავგეგმავთ.

თამთა თავართქილაძე